



Sofia Geisler
Inatsisartunut ilaasortaq, Inuit Ataqatigiit

§ 37 naapertorlugu apeqqutip 185/2019-ip akineqarnera – ilinniartitaanerup ataqatigiisumik aqqissuunneqarnissaanut siunissami ineriartortitsinissamut atatillugu oqaatsinut tunngasunik taaguusersuutit atorneqarnerat pillugu.

22-05-2019
Sagsnr.
Dok. nr. 10754993

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasara Sofia Geisler,

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Apeqqut 1: Atuarfeqarnermut ilinniarfeqarnermullu tunngatillugu sulineq annertoq Naalakkersuisut 2017-ip ukiariartornerani aalajangiiffigaat.

- Aalajangiineq tamanna ulloq suna piva?

- Eqqortumik paasivara aalajangiunneqartumi qulaqutarineqarmat atuartitaanermut ilinniartitaanermullu iluarsartuusseqqinnissaq?

Akissut: Naalakkersuisumit inassuteqaat ullulernerqarsimasoq 3, augusti 2017-imi tunngavigalugu iluarsaaqqinnermik sulinerup "Ilinniartitaanermi ataqatigiisumik aqqissuussaqaq ataqatigiisooq eqaatsorlu" aallartinnissaa ulloq 10, augustusi 2017-imi Naalakkersuisut akuersissutigaat.

Inassuteqaatip qulequtarisimavaa: Iluarsaaqqinnerup "Ilinniartitaanermi ataqatigiisumik aqqissuussaqaq ataqatigiisooq eqaatsorlu" aallartinneqarnera pillugu.

Ilinniartitaanermi ataqatigiisumik aqqissuussap ataqatigiissup eqaatsullu atuutilersinneqarnissaanut periarfissanik misissueqqissaarnikkut suleqatigiissitap nassuiaasiornertigut meeqqat atuarfiata ilinniarnerrullu iluarsaaqqinnerannik suliaqarneq pissasoq inassuteqaammi erseqqissarneqarpoq.

Apeqqut 2: Ataani atsiortunga paasivara suliaq tassaasimasoq atuartitaanermut ilinniartitaanermullu iluarsartuusseqqinnissaq maanna allamik qulequtserneqarsimasoq, tassalu "Ilinniartitaanerup aqqissuussaanaera eqqaatsoq ataqatigiittoq, nalilersuineq ineriartortitsinermillu suliniut".

- Qulequttamik allangortitsineq, tassalu iluarsartuusseqqinnerujunnaarluni nalilersuineranut ineriartortitsinermullu saatinneqarnera, pillugu aalajangiineq ulloq suna piva?

- Qulequttap allangortinneqarnissaanik kina aalajangiiva?

Akissut: Oqaatsinik atuinerup allangornera ukiakkut 2018-imi suliamik ingerlatsinerup atuutilersup ilagaa. Tamanna pingaarnertut pissuteqarpoq suleqatigiissitap pilersinneqartup, takuuk apeqput 1.-imut akissut, misissueqqissaarneratigut ilinniartitaanermi ataqatigiissumik aaqqissuussap ataqatigiissup eqaatsullu atuutilersinneqarnissaanut periarfissat nassuiaasiortussaammagit.

Oqaatsinut tunngasut allangortinneqarnissaat pillugu aalajangiineq, suliap nalinginnaasumik ingerlanerata ilaatut – Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoqarfiup iluani suliarineqarpoq, pissutigalugu suleqatigiissitap misissueqqissaarneq suliarisussaammagu. Tamanna inassuteqaammi taamaallaat erseqqissarneqanngilaq, kisianni aamma suliarisassat allassimaffiannik suleqatigiissitap malillugu suliaqarnissaat.

Apeqput 3: Naalakkersuisut ilisimatitsissutigisinnaavaat iluarsartuusseqqinnissamik siunertaqaqqaanermi suliassap imarisaa allangortinneqarani – nutaamilli qulequtserneqarluni – ingerlatiinnarneqarnersoq?

Akissut: Ilinniartitaanermi ataqatigiissumik aaqqissuussap iluarsaqqinnerannik suliaqarneq imarisaanut tunngatillugu piffissamullu tunngatillugu aallaqqaammut pilersaarutitut naleqqiullugu allanguuteqanngilaq. Oqaatsinik atuineq allangortinneqartoq tamatumunnga arlaatigulluunniit pingaaruteqanngilaq.

Apeqput 4: Naalakkersuisut ilisimatitsissutigisinnaavaat meeqqat atuarianni ukiut 10-it atuarnermik aaqqissuussineq annertuumik suli allanguiffigiarneqarnersoq?

Akissut: Pinngitsoorani ukiut aqqaneq marluk atuartussaanerup atuutilernissaanut periarfissat nassuiarnerat suli suliarineqarpoq.

Apeqput 5: Naalakkersuisut ilisimatitsissutigisinnaavaat iluarsartuusseqqinnissamik taaguiunnaarnerup suliniummilli suliaqalernerup maanna sulinerup piffissamilu aggersumi sulinissamut qanoq sunniuteqassanersoq?

Akissut: Iluarsartuullugu pilersaarussiaq Taaguut (Termen) suleqatigiissitamit suliarineqartussamut, ingerlanissaa ukiut marluk ingerlaneranni piffissaliunneqartumut tunngatillugu killiliussatut aalajangersarneqartumut, innersuussutigalugu taamaallaat atorneqarpoq. Ilinniartitaanermi ataqatigiissumik aaqqissuussap ataqatigiissup eqaatsullu pilersinneqarnissaanut iluarsaqqinnertigut periarfissanik qulaajaanissamut misissueqqissaarnissap sunniuteqarnissaa suli siunertaavoq. Matumani oqaatsinik atuineq aamma sulinerup kinguneqartitsissanngilaq.

Apeqquut 6: Naalakkersuisut ilisimatitsissutigisinnaavaat allannguinerit qaqugu atuutilissanersut?

Akissut: UKA2020/UPA2021-mut atatillugu politikikkut isummernissap ingerlaqqinnissaa siunertaralugu Naalakkersuisunut inassuteqaatinik suleqatigiissitaq 2019-ip naanerani tunniussaqaassaaq.

Apeqquut 7: Naalakkersuisut ilisimatitsissutigisinnaavaat sulinermut akuutinneqartut tamarmik suliniutip qulequtaata allanngortinneqarnera pillugu qanga ilisimatinneqarsimanersut?

Akissut: Misissueqqissaarnermik suliaqarnermut ilaallutik peqataasut ukiakkut 2018-ip ingerlanerani ataatsimiinnerit ingerlanneqarnerinut qaaqquinerinullu atatillugu oqaatsinik atuinerup allanngortinneqarneranik ilisimatinneqarput.

Apeqquut 8: Naalakkersuisut ilisimatitsissutigisinnaavaat atuarfeqarnek ilinniartitaanerlu pillugit suliniuteqarnermi qitiusumik imarisaanik allannguisoqarsimappat tamatuma sulinermut akuutinneqartunut qanga ilisimatitsineq pisimanersoq?

Akissut: Sulinermi tunngaviusut allanngortinneqarnikuunngillat.

Apeqquut 9: Naalakkersuisut ilisimatitsissutigisinnaavaat oqaaseq iluarsartuusseqqinneq atorunnaarlugu suliniummik taarserneqarsimanera pillugu Kultureqarnermut, Ilinniartitaanermit Ilageeqanermullu Ataatsimiititaliaq qaqugu ilisimatissanerlugu pilersaarutigisimallugu?

Akissut: Meeqqat atuarfiata ilinniarnullu iluarsaqqinneqarnissaa pillugu oqallisigineqarnerata ingerlaqqinnerani, imarisaanut piffissamullu tunngatillugu allanngortoqarneranik oqaatsinik atuinerup allanngortinneqarnerani oqaatigineqanngilaq. Kultureqarnermut, Ilinniartitaanermit, Ilisimatusarnermut Ilageeqanermullu Ataatsimiititaliamut periarfissaq siulleq ilisimatinneqassaaq.

Apeqquut 10: Naalakkersuisut ilisimatitsissutigisinnaavaat oqaatsit iluarsartuusseqqinneq aamma suliniuteqarnek namminneq qanoq isumaqartinnerlugit?

Akissut: Soorlu apeqquutip 5-ip akineqarnerani taaneqartoq tassunga nalunaarneqartumi suleqatigiissitap piffissami ukiuni marlunni suliarinninnissaannut taamaallaat taaguut iluarsartuullugu pilersaarussiaq atorneqarneqarpoq. Iluarsaaqqinnermik sulineq – aamma 2019-ip naanerata kingorna – ingerlassaaq.

Med venlig hilsen
Inussiarnersumik inuulluaqqusilluta


Ane Lone Bagger